

## **CYNGOR CYMUNED MANORDEILO a SALEM** **CYFARFOD 13eg RHAGFYR 2017**

Cynhaliwyd Cyngor Cymuned Manordeilo a Salem am 7.30pm ar y 13<sup>eg</sup> Rhagfyr 2017 yn yr Ystafell Ddarllen, Cwmifor.

### **PRESENNOL**

Cynghorwyr Alun Davies, Kim Davies, Hubert Gwynne, Peter Harries, Owen Williams a'r Cynghorydd Sir Joseph Davies.

### **1. CROESO AC YMDDIHEURIADAU**

Cymerwyd y gadair gan y Cyng. Alun Davies a chroesawodd bawb i'r cyfarfod. Derbyniwyd ymddiheuriadau gan y Cynghorwyr Gwenfil Evans, Dorian Jenkins, Doris Jones a William Loynton.

Ar ran y Cyngor, mynegodd y Cyng. A. Davies ei gydymdeimlad â theulu Mr Jim Davies a hefyd y Cyng. P. Harries a'i deulu ar farwolaeth ei fam yng nghyfraith.

### **2. CADARNHAU COFNODION Y CYFARFOD DIWETHAF**

Cynigiwyd gan y Cyng. O. Williams, eiliwyd gan y Cyng. P. Harries ac roedd pawb yn gytûn, bod cofnodion y cyfarfod diwethaf a gynhaliwyd ar yr 8<sup>fed</sup> Tachwedd, fel ag y maent wedi'u teipio a'u dosbarthu, yn gywir.  
Arwyddwyd gan y Cadeirydd

### **3. DATGANIADAU O DDIDDORDEB**

Fe wnaeth y Cyng. P. Harries ddatgan diddordeb yn Eitem 12 - rhodd i Gŵyl y Goeden.

### **4. MATERION YN CODI**

4.4. 4.4.11iii) Dim i'w adrodd ar y gwaith sydd i'w wneud ar y coed a hefyd y gwaith sydd angen ei wneud i drwsio un o'r rheilins ffens yn Ardal Chwarae Caledfwlch  
Cyng. W. Loynton a H. Gwynne

4.4. 4.13i) Mewn perthynas â gwrthwynebiad y Cyngor i ail-leoli'r blwch postio i ochr arall yr A40 yn Rhosmaen, nid yw'r Post brenhinol wedi mynd i'r afael â'r materion a godwyd. Gwrthodwyd y cais i roi'r blwch yn ôl yn ei le gwreiddiol gan ddweud bod y lleoliad newydd mewn man 'sy'n ganolog i'r holl gwsmeriaid ac wedi'i leoli wrth ymyl yr arhosfan bws y mae pobl yn ei ddefnyddio.'  
Nodwyd

4.4.13ii) Mae Adran Briffyrdd Cyngor Sir Caerfyrddin (C.S.C.) wedi ail-osod yr arwydd crwn 30 mya gyferbyn â'r fynedfa i Ffordd y Gors, Salem.

4.5vii) Bydd y Clerc nawr yn mynd ati i gwblhau'r cais i'r 'Big Lottery Awards for All' er mwyn ariannu pedwar diffribilwr newydd i'w gosod ym Manordeilo, Taliaris, Penybanc a Safle Beechwood ger cyffordd Heol Talylychau a'r A40. Cynigir hyfforddiant pellach i aelodau'r gymuned i ddysgu sut i ddefnyddio'r peiriannau. Dywedodd y Cyng. K. Davies bod perchennog 'All Small Engines' ym Manordeilo wedi rhoi ei ganiatâd i leoli un o'r diffribilwyr ar ei wal ffin. Mae'r Cynghorwyr A. Davies a P. Harries wedi derbyn caniatâd tebyg i'w lleoli y tu allan i Ystâd Beechwood Milfeddygon Teilo a maes parcio Eglwys Taliaris. Lleolir y pedwerydd diffribilwr ar yr hysbysfwrdd presennol ym Mhenybanc. Cynghorwyr K. Davies a A. Davies i dderbyn cadarnhad ysgrifenedig; mae cadarnhad wedi'i dderbyn ers hyn ar gyfer lleoliad Taliaris.  
Cynghorwyr K. Davies a A. Davies

Codwyd y mater o yswirio'r diffribilwyr presennol, Clerc i holi'r Elusen Cariad Heart am hyn i weld a yw'r unedau wedi'u hyswirio ai peidio ac os na, i drefnu eu hyswirio gydag yswirwyr y Cyngor. Y Clerc i ychwanegu'r pedwar uned i Restr Asedau'r Cyngor.  
Clerc

Yn dilyn y cyfarfod diwethaf wnaeth y Clerc alw yng Ngorsaf Ambiwylans/Tân Llandeilo er mwyn sicrhau bod y staff sy'n gweithio yno yn ymwybodol o leoliad y pedwar diffribilwr cyfredol.

4.13i) Mewn perthynas â'r posibilrwydd o ymestyn y llwybr troed ar hyd yr A40 o Ywen Fach i'r grŵp nesaf o dai ym Mhantglas Manordeilo, hysbyswyd gan y Cynghorydd Sir J. Davies ei fod wedi siarad â'r Adran Briffyrdd ond heb glywed mwy hyd yn hyn.  
Cyng. Sir J. Davies

5xi) Llythyr o ddiolch am y rhodd o £50 i Opera leuenctid Caerfyrddin a'r Cyffiniau ar gyfer cynhyrchiad mis Chwefror.

13ii) Cadarnhad gan y Rheoleiddiwr Pensiynau bod y Cyngor Cymuned wedi cwblhau ei Ddatganiad Cydymffurfiaid.

## 5. GOHEBIAETH

- i) Cyfriflen Banc Lloyds dyddiedig 01/12/2017, Taflen Rhif 99, Gweddill o £6,530.49 Nodwyd
- ii) Cyfriflen Banc HSBC dyddiedig 15/11/2017, Taflen Rhif 328, Gweddill £121.49. Nodwyd
- iii) C.S.C. dogfen Ymgynghori'r Gyllideb a chyfarfod 14 Rhagfyr 2017. Cyng. O. Williams
- iv) C.S.C. Penodiad y Cyng. Phillip Rogers yn gynrychiolydd cynghorau cymuned ar y Pwyllgor Safonau. Nodwyd
- v) Dogfen Ganllaw Fforwm Cydnerthedd Lleol Dyfed Powys. Nodwyd
- vi) GIG Cydweithredol Cymru, Ymgynghoriad Trawma Difrifol. Cyng. O. Williams
- vii) Un Llais Cymru, Ymgynghoriad Cynghorau Tref a Chymuned. Adroddodd y Cyng. O. Williams ar yr ymgynghoriad a fynychodd ar y 4 Rhagfyr a hefyd yr amserlen y bwriedir ei dilyn: Panel Adolygu i adrodd yn ôl erbyn haf 2018 gyda'r adroddiad terfynol i'w gyhoeddi ym mis Tachwedd. Cynigiwyd gan y Cyng. Williams y dylai'r cyngor cymuned ystyried ymateb Un Llais Cymru i'r ymgynghoriad ddylai bod ar gael ym mis Ionawr gan wneud unrhyw sylwadau/awgrymiadau bryd hynny. Clerc
- viii) Un Llais Cymru parthed Garddwest Palas Buckingham 2018, Clerc i'w anfon ymlaen at y Cadeirydd. Clerc
- ix) Un Llais Cymru parthed hyfforddiant, apwyntiadau cyhoeddus ac ymgynghoriadau. Nodwyd
- x) Pwyllgor Ystafell Ddarllen Manordeilo parthed cau'r gegin er mwyn gosod cegin newydd o'r 8 Ionawr am oddeutu wythnos. Nodwyd
- xi) Eisteddfod Gerddorol Ryngwladol Llangollen, cais am gymorth ariannol. Chwef
- xii) Undeb y Gwasanaeth Ambiwylans, cais am gymorth ariannol. Chwef

## 6. ADOLYGIAD O'R GYLLIDEB

Mae Cyfriflen Banc 29 Tachwedd 2017 yn dangos gweddill o £6,530.49; un siec am £50.00 heb ei chyflwyno sy'n rhoi union weddill o £6,480.49.

## 7. GOLEUADAU

Dim i'w drafod

## 8. LLWYBRAU TROED

Dim i'w drafod.

## 9. CYNLLUNIO

Cytunwyd i anfon y sylw canlynol i Adran Gynllunio C.S.C.:

E/36455      Addasu neu Ail-adeiladu Adeilad Allanol yn Llety Gwyliau  
                  Lletymaelog  
                  Llandeilo  
                  SA19 7HY  
                  Rhys Thomas  
                  Dim Gwrthwynebiad

## 10. MODEL PROTOCOL PENDERFYNIADAU LLEOL

Mae'r Clerc wedi siarad ag Un Llais Cymru mewn perthynas â phryder y Cyngor bod y cyfrifoldeb yn y lle cyntaf yn syrthio ar y Clerc. Dywedodd Un Llais Cymru bod y cwynion y gellid ymdrin â hwy yn fewnol o natur cyfyngedig iawn ond awgrymwyd y dylai'r geiriad fod: fel man cychwyn dylid cyfeirio cwynion at y Clerc a fydd, mewn ymgynghoriad â'r Swyddog Monitro, yn penderfynu a ddylid ymdrin â hwy yn fewnol neu eu cyfeirio ymlaen. Gyda'r newid hwn, cynigiwyd gan y Cyng. O. Williams, eiliwyd gan y Cyng. K. Davies a chytunwyd yn unfrydol y dylid mabwysiadu'r Model Protocol Penderfyniadau Lleol. Clerc

**11. POLISI AR LEIN A CHYFRYNGAU CYMDEITHASOL**

i) Adroddodd y Cyng. O. Williams am y cynnydd sy'n parhau yn nifer y dilynwyr i safleoedd cyfryngau cymdeithasol y Cyngor. Nodwyd bod y cyfleuster e-bost ar y wefan yn cael ei ddefnyddio i gyfathrebu gyda'r Cyngor. Trosglwyddir gwybodaeth o ddigwyddiadau/mentrau a gwybodaeth sydd o ddiddordeb i'r gymuned ymlaen at y Clerc/Cyng. O. Williams i'w gosod ar lein ac anogwyd pawb i gyfrannu er mwyn sicrhau bod y wybodaeth sydd ar y safleoedd hyn yn cael eu diweddarau, yn berthnasol ac o ddiddordeb i'r gymuned. Pawb

**12. CYFRIFON I'W TALU**

i) Mrs Jane Davies, Cyflog a Threuliau'r Clerc mis Rhagfyr, Siec Rhif 1239	£518.08
ii) Gŵyl y Goeden Salem, Rhodd, (cynigiwyd gan y Cyng. A. Davies, eiliwyd gan y Cyng. O. Williams gyda phawb yn gytûn), Siec Rhif 1240	£100.00

**CYFANSWM    £618.08**

**13. UNRHYW FATER ARALL**

i) Bydd y Cyng. P Harries yn paratoi teyrnged i'r diweddar Mr Jim Davies i'w chynnwys ar wefan y Cyngor.  
Cyng. P. Harries

ii) Dywedodd y Cyng. P Harries ei fod wedi derbyn nifer o gwynion gan drigolion yn Salem mewn perthynas â chyflymdra'r rhyngwrwyd ac ymholiadau parthed pryd fydd y gwasanaeth ffibr optig ar gael. Clerc i gysylltu â BT.  
Clerc

Gan nad oedd unrhyw fusnes arall, diolchodd y Cadeirydd i aelodau am fynychu a daeth y cyfarfod i ben am 8.50pm.

.....10 Ionawr 2018  
 CADEIRYDD